



Ciasa de Palsa Ojöp Frëinademetz A.P.S.P.
Seniorenwohnheim Ojöp Frëinademetz Ö.B.P.B - Residenza per Anziani Ojöp Frëinademetz A.P.S.P.
39030 St. Martin in Thurn/San Martino in Badia - Str. Pinis 50
Tel. 0474/524700 - E-mail: info@ciasadepalsa.it - Pec: ciasadepalsa@pec.rolmail.net
cod. fisc. - Steuer-Nr.: 81005490214 - partita IVA - MwSt-Nr.: 00554690214

BANDIDA DE CONCURS PUBLICH

Concurs publich cun le prozedimënt de mobilité anter ënc por la curida por la curida de 2 (dui) posc de rode a tēmp parzial/plēgn sciöche operadú/ëssa soziosanitar/a (profil profesional nr. 20 – IV. cualifica funzionala) – resservá al grup linguistich ladin.

LA TOMANZA POR LA PRESENTAZIUN DLES DOMANDES DE AMISCIUN É:
30.04.2025 dales 12.00

La Ciasa de Palsa Ojöp Frëinademetz A.P.S.P. scrí fora n concurs publich cun le prozedimënt de mobilité anter ënc por la curida de 2 posc sciöche:

operadú/ëssa soziosanitar/a
(profil profesional nr. 20 – IV. cualifica funzionala)

De chisc:

- 1 n post a tēmp parzial 63,16%
- 1 post a tēmp plēgn.

I posc é **resservá al grup linguistich ladin.**

1. DESPOSIZUNS GENERALES

Por le concurs en chestiun vel les desposiziuns contignüdes te chësta bandida. Por ci che n'é nia preodü te chësta bandida él da fá referimënt ales desposiziuns tl Regolamënt dl personal dla Ciasa de Palsa Ojöp Frëinademetz A.P.S.P. di 23.07.2024 y ales desposiziuns varëntes.

L'aministrazion garantësc la parité de ël y ëra por gní tuc sö en sorvisc y sön le post de laur sciöche preodü dal decret legislatif di 11.04.2006, nr. 198.

Aladò dl art. 6 dl D.P.R. nr. 487/1994 y mudaziuns é ai 31.12.2024 la perzentuala de rapresentanza maschi-la por la cualificaziun scríta fora ecuivalënta a 3,6% y la perzentuala de rapresentanza feminila ecuivalënta a 96,4%. Sce la desfarënzia anter i sesc fej fora plü co le 30%, costituësc la portignënza al grup manco rapresenté titul de preferënza, sciöche dé dant te chësta bandida.

Implü garantësc l'aministrazion l'aplicaziun dles desposiziuns tla materia dla sconanza di dac preodüdes dala lege nr. 196 di 11.04.2003 tla verjiun varënta y ince dal Regolamënt EU 2016/679 di 27.04.2016 tla verjiun varënta.

Chësta bandida tēgn cunt dla normativa por i soldas dles Forzes Armades Talianes che á rové so sorvisc zënza demiric. Aladò dl articulo 1014, coma 3 y 4, y dl articulo 678, coma 9 dl decret legislatif nr. 66/2010, él preodü da resservé le 30% di posc ai voluntars dles Forzes Armades.

Le concurs vëgn scrít fora tignon cunt di benefizi preodüs dala lege nr. 68 di 12.03.1999 a bëgn dles categories sot a proteziun.

Al concurs vëgn ametüs/des i/les concorënc/tes de düc i trëi grups linguistics, independentamënter dala resserva di posc nominá dessura, tan inant che ai á i recusisc damaná.

I posc scrít fora é resservá al grup linguistich ladin.

I posc resservá al respetif grup linguistich, che resta vacanc por mancanza de candidac/tes o concurënc/tes adatá/des por l'assunziun, pó gní assegná a n/na candidat/a adaté/da portignënt/a a n ater grup linguistich, sce le proporz etnich vëgn respeté complessivamënter sciöche calcolé en basa ales desposiziuns varëntes.

2. TRATAMËNT ECONOMICH

Aladô dl contrat coletif atual él preodü por chësc post le suandënt paiamënt brutto mensil:

a) paiamënt mensil inicial dla IV. cualifica funzionala de Euro 858,31-, lapró la tredejima mensilité aladô dl contrat coletif intercompartimental en forza;

b) indenité integrativa speziala dla IV. cualifica funzionala aladô dl contrat coletif intercompartimental en forza;

c) indenité de bilinguism aladô dl art. 6 dl'acordanza en forza por le renovamënt dl contrat coletif intercompartimental di 04.12.2019, sciöche ince l'indenité por l'adoranza dl lingaz ladin;

d) indenité d'istitut dl 23% che corespogn a Euro 197,41-.

e) atres indenités tan inant che ares speta.

Dal tratamënt economich suradit vëgnel trat jö les detraziuns preodüdes dala lege.

Ai posc a tëm্প parzial ti speta le paiamënt sciöche dessura en relaziun ales ores de laur fates. Dal paiamënt suradit vëgnel trat jö i contribuc previdenziai, assistenziai y fiscai preodüs dales leges.

3. RECUISIC POR L'AMISCIUN

Por l'amisciun al concurs vëgnel damané de ester en posses di recuisic suandënc.

I recuisic damaná mëss ester dan man ala data de tomanza por la presentaziun dles domandes de amisciun al concurs stabilida da chësta bandida de concurs, sciöche ince al momënt dla sotescriziun dl contrat de laur.

1. Zitadinanza

Zitadinanza taliana o zitadinanza de n ater stat mëmber dl'Uniun Europeica; al pó ince tó pert i familiars de zitadins/nes dl'Uniun Europeica, ince sce zitadins/nes de stac terc, cun le dërt de sojornanza o le dërt de sojornanza permanënta. Al pó ince gní tut sò i zitadins/nes de paisc terc che é en posses dla lizënza de sojornanza UE por sojornanzas de lungia dorada o che á le status de muciadú/dësses o che á le status de proteziun sussidiara (art. 38 D.Lgs 30 novëmber 2001, nr. 165, sciöche modifiché dal art. 7 dla L. 6 agost 2013 nr. 97);

2. Limit d'eté

Eté nia mëndra de 18 agn.

3. Idoneité fisica por fá le laur

Idoneité fisica por le laur y por les mansciuns spezifiches preodüdes por le profil profescional en chestiun. Aladô dl D.Lgs 9 aurí 2008. nr. 81 á l'aministrazion la faculté da ti fá fá ai dependënc che gnará tuc sò na vijita de control pro le dotur de compëtenza por confermé l'idoneité da fá les mansciuns che ti gnará surandandes.

4. Godimënt di dërc zivii y politics

O plü avisa, de ne avëi degönes prozedöres en at che, aladô dles desposiziuns de lege varëntes, ne impedësc le posses.

Aladô dl art. 2 dl D.P.C.M. di 7 forá 1994, nr. 174, mëss i/les zitadins/nes nia taliagn/talianes avëi i suandënc recuisic por podëi avëi azes a posc de laur tl'aministrazion publica:

- le godimënt di dërc zivii y politics ince ti stac de zitadinanza (fata ezeziun por chi che é titolars dl status de profugs o dl status de proteziun sussidiara);
- le posses, fata ezeziun por la zitadinanza taliana, de düc i atri recuisic preodüs por i/les zitadins/nes dla Republica Taliana.

5. Imunité da condanes

Al ne pó nia gní tut sö porsones che é gnüdes stlüttes fora dal dërt de lîta atif, sciöche ince chëres che é gnüdes destituides o alediades dal laur por n'aministraziun publica por n rendimënt insufiziënt permanënt, aladô de normes dl setur, o gnüdes desmetüdes por les medemes rajuns o por motifs disciplinars aladô dla normativa de lege o contractuala varënta o che é gnüdes lasciades jí deache ares é gnüdes tutes sö o á ci-afé la nominaziun por presentaziun de documënc falsificá o zënza valur sciöche ince por condanes jüdes en forza por n fat penal che impedësc n'assunziun pro n'aministraziun publica. Porsones che á en at prozedöres penales o prozedöres aministratives por apliché mosöres de segurëza o prevenziun o che á albü prezedënc penai por süa colpa scric ite tl register penal, aladô dl articulo 3 dl decret dl Presidënt dla Republica di 14 de novëmber 2002 nr. 313, mëss le comuniché al momënt dla candidatöra y dé dant avisa la data dl provedimënt sciöche ince la magistratöra che l'á dada fora o pro chëra che al é n eventual prozedimënt penal pendënt.

6. Atestat de bi/trilinguism

dé fora aladô dl D.P.R. di 26 de messé 1976, nr. 752 y suandëntes modificaziuns, por le nivel A2 (ex D).

7. Grup linguistich

Portignënza o agregaziun a un di trëi grups linguistics preodüs dal art. 18 dl D.P.R. 26.07.1976 nr. 752 y suandëntes mudaziuns y integraziuns.

8. Titui de stüde

- diplom dla scora mesana o dla scora elementara y inplü
- diplom da operadú/ëssa sozio sanitar/a.

Por le azes por mobilitè verticala vel les desposiziuns dl art. 74 dl'acordanza intercompartimentala di 12.02.2008 sciöche ince l'art. 33 dl test unich dles acordanzas de compart por i dependënc de Comuns, dles Comunités Comprensoriales y dles A.P.S.P. di 02.07.2015.

4. DOMANDA DE AMISCIUN

La domanda de amisciun al concurs publich, scrita sön formulars de papier scëmpl y metüda a desposiziun dal'aministraziun, mëss gní adressada ala Ciasa de Palsa Ojöp Frëinademetz A.P.S.P. y dada jö **anter les 12.00 h di 30.04.2025**. Sciöche data de presentaziun dla domanda d'amisciun vel chëra dla protocolaziun. Le timber dl ofize dla posta n'á DEGÖNA valüta.

La domanda de amisciun o i documënc che röia fora de termo por guajes postales, telegrafiches, por colpa de terc, por gaujes de forza plü alta o por gaujes dl caje, ne vëgn nia tuta en conscideraziun y le/la candidat/a vëgn stlüt/a fora dal concurs publich.

La domanda de amisciun mëss gní scrita aladô dl formular injunté ala bandida de concurs y contigné dötes les informaziuns che le/la candidat/a mëss dé dant aladô dles normes varëntes.

4.1 DETLARAZIUNS

Por podëi tó pert al concurs pó i/les candidac/tes adoré detlaraziuns sostitutives aladô di artt. 46 y 47 dl D.P.R. di 28.12.2000, nr. 445; scricion fora le formular prestampé te dötes sües perts.

En alternativa pó i/les candidac/tes presenté la domanda de amisciun scrita jö sön papier scëmpl, sön chëra che ai/ares mëss, sot a süa responsabilité y cun tuta de conescënza de ci che al é preodü dal art. 76, dl D.P.R. di 28.12.2000, nr. 445 y dal art. 495 dl Codesc penal tl caje de informaziuns falzes dades dant te documënc y detlaraziuns falzes, sciöche ince de tomanza de vantaji ciáfá por n provedimënt tut sóla basa de detlaraziuns falzes (art. 75 dl D.P.R. di 28.12.2000 nr. 445), dé dant les detlaraziuns suandëntes aladô di artt. 46 y 47 dl D.P.R. di 28.12.2000, nr. 445 che reverda:

a) cognom, inom y codesc fiscal;

b) data y post de nasciüda;

c) situaziun de familia (nia maridé/maridada o maridé/maridada) y le numer de mituns a ciaria;

d) residënza, numer de telefon, misciun e-mail (eventualmënter misciun PEC);
e) d'ester zitadin/a talian/a o de avèi la zitadinanza de n stat mèmber dla Uniun Europeica (dé dant de ci stat);
o: - de ester familiar de n/na zitadin/a dl'Uniun Europeica, che á le dèrt de sojornanza o le dèrt de sojornanza permanënta (art. 38 D.Lgs di 30.11.2001, nr. 165, modifiché dal art. 7 dla lege di 6 agost 2013 nr. 97) cun indicaziun dla zitadinanza dl familiar;
- de ester zitadin/a de paisc terc, cun la posiziun iuridica de sojornant/a a lungia dorada o le status de proteziun sussidiara;
- ma por n/na zitadin/a de un di stac mèmberi dl'Uniun Europeica o por le familiar de n/na zitadin/a de un n stat mèmber dl'Uniun Europeica, che á le dèrt de sojornanza o le dèrt de sojornanza permanënta, o por n/na zitadin/a de stac terc, che é en posses dla lizënza de sojornanza UE por sojornanc/tes a dorada lungia o che á le status de proteziun sussidiara (art. 38, D.Lgs 30 novèmber 2001, nr. 165, sciöche modifiché dal art. 7 dla lege 6 agost 2013, nr. 97): che é en posses di dèrc zivii y politics ince tl stat de portignënza o de proveniënza o de ne i avèi nia don dant i motifs;
f) de avèi le dèrt de lîta politich atif y le comun olache le/la candidat/a é scrit/a ite tles listes eletorales o i motifs por ne ester nia scrit/a ite o cancelé/ada dales listes nominades;
g) de avèi albü eventuales condanes penales;
h) de ne ester mai gnü/gnüda destitúí/da o de ne ester nia gnü/da lascé/lasciada jí pro degöna aministraziun pubblica;
i) l'eventuala portignënza ales categories de persones cun handicap aladô dla lege nr. 68 di 12.03.1999, don dant la perzentuala de invalidité y specifican l'iscriziun tles listes dl colocamënt obligatore sciöche preodü dal art. 8 dla lege 12.03.1999 nr. 68;
j) ma por i candidat de ses maschil: la posiziun ti confrunc dles oblianzas militares, don dant la perioda dl sorvisc da soldá efetif fat, de cherdada ales ermes, de sorvisc zivil o de sorvisc sostituf dl sorvisc da soldá, y i.i., cun la posiziun revardënta o degré albü por podèi valuté chësta perioda sciöche perioda de laur a düc i efec;
k) de avèi le dèrt dla rësserva di posc por militars aladô dl D.Lgs nr. 66/2010;
l) avèi le titul de stüde damané por la candidatöra al post, cun indicaziun dl istitut pro chël che al é gnü arjunt, l'ann de emisciun, le numer di agn de scora frequentá y superá, la nota o la valutaziun ciafada;
m) ester en posses dl atestat de competënza di lingac talian, todësc y ladin dl nivel D, sciöche preodü dal art. 4 dl D.P.R. di 26.07.1976, nr. 752 o plü avisa "A2" aladô dl chëder de referimënt europeich en comunanza cun i lingac (CRECL) o n atestat aladô dl decret legislatif di 14 de ma 2010, nr. 86 (injunté la documentaziun revardënta);
n) da ester eventualmënter a desposiziun da azeté ince, unicamënter o daldöttenia posc cun raport de laur a tèmپ parzial;
o) l'impëgn da azeté zënza degöna rësserva les condiziuns contignüdes tl ordinamënt dl personal dla Ciasa de Palsa, varënt al momënt dla nominaziun y dl dagní;
p) de avèi titui de preferënza eventuai tl caje de parité de mirit aladô dl art. 5 coma 4 y 5 dl D.P.R. nr. 487/1994, sciöche ince dá dant tl formular de domanda de amisciun, injunté a chësta bandida de

conkurs;
q) titui de sorvisc eventuai.
Implü mëss la domanda contigní:
la misciun avisa a chëra che la Ciasa de Palsa podará mené les comunicaziuns che reverda le concurs, ti-gnon cunt che dōtes les mudaziun dla misciun che antervëgn cina la fin dla prozedōra de concurs mëss gní lasciades alsavëi.
La Ciasa de Palsa ne sorantól degōna responsabilité por misciuns dades dant falades, nia completes o che ne corespogn nia plü ala situaziun tl momënt che al vëgn mené la comunicaziun.
4.1 DOCUMËNC DA INJUNTÉ
a) La detlaraziun de portignënza o agregaziun a un di trëi grups linguistics aladô dl art. 18 dl D.P.R. nr. 752 di 26.07.1976 y mudaziun y integraziuns suandëntes (TE NA BUSTA STLÛTA) che á la data nia plü vedla de 6 mëisc dala data de emisciun.
Al fej ezeziun les porsones che n' á nia la residënza tla Provinzia de Balsan y che detlarëia chësc tla do-manda de amisciun. Ares á le dërt da fá la detlaraziun de portignënza o agregaziun a un di trëi grups lingui-stics y da la dé jö al scomenciamënt dla prōma proa de concurs. Sce na porsona á intenziun da se fá avarëi chësc dërt (y á detlaré tlermënter chësc tla domanda de amisciun al concurs) ne pó la prōma proa d'ejam nia mëte man dan les 12.00 dl de stabilí por chësta.
Chësta detlaraziun vëgn dada fora dal Tribunal Provinzial da Balsan, Plaza Tribunal – azes dala pert Stra-da Duca D'Aosta (numer de telefon 0471-226312-3).
b) Por podëi tó pert al concurs él da paié le contribut de partezipaziun de Euro 10,00 (diesc), aladô dl art. 1, coma 111 dla Lege nr. 107/2015. Le paiamënt pó ma gní fat cun le sistem pagoPA tres le portal ePays (https://it.epays.it/) chirin fora: - la seziun “pagoPA®-Zahlungen”/o por talian “Pagamenti pagoPA®”, - l'ënt por todësch “Seniorenwohnheime – ÖBPB” y spo “Seniorenwohnheim Ojöp Frëinademetz ÖBPB” / o por talian “Residenze per Anziani – APSP” y spo “Residenza per Anziani Ojoep Freinademetz”, - le sorvisc (Dienstleistung/Servizio) „Verschiedene Zahlungen“ /o por talian Pagamenti diversi, - dé dant la causala “ Wettbewerb Pflegehelferin 2025 ” y scrí fora döt ci che vëgn damané. Dedô él la poscibilité da fá le avis pagoPA y fá le paiamënt pro na portina de paiamënt pagoPA (p.ej. ban-ca, posta, tabacaria) o tres home banking o da jí inant sön le portal y fá le paiamënt online cun druché sön “In den Warenkorb” o por talian “Aggiungi al carrello”.
Fotocopia dla chërta d'identité sce la domanda vëgn menada por posta, dada jö da na terza porsona e me-nada por posta zertificada PEC).
Presentaziun dla domanda tres PEC
Chi che mëna la domanda ala miscun ciasadepalsa@pec.rolmail.net tres súa misciun de posta eletronica zertificada (PEC) pó dé jö de fat la detlaraziun de portignënza o agregaziun a un di trëi grups linguistics – tla verjiun originala y te na busta stlÛta – ince <u>do</u> le termo por la presentaziun dles domandes de amisciun (mo nia do la data dla proa d'ejam scríta o dla prōma proa), a condiziun che tla domanda vëgnel dé dant che la detlaraziun é bele gnüda relasciada <u>anter</u> le termo por la presentaziun dla domanda. Sce tl caje de devënta dl concurs resultëia che la detlaraziun de portignënza a n grup linguistich é gnüda relasciada do le termo por la presentaziun o n' é nia varënta por atres gaujes, n'é le resultat dl concurs nia varënt y al toma le dërt de assunziun por mancianza dles condiziuns de amisciun. Al ne pó nia gní tut en conscideraziun le documënt che é gnü ma mené sciöche copia tres fax o tl format PDF y porchël vëgnel araté che al mancia.
I/Les candidat/tes mëss mët súa firma jö da pe dla domanda de amisciun, zënza vëgni/vëgneres stlÛc/stlÛ-tes fora.

La sotescriziun dla domanda de amisciun al concurs, che contëgn les detlaraziuns sostituëntes che vëgn fates tla domanda, é sotmetüda ales desposiziuns preodüdes dai artt. 46 y 47 dl D.P.R. di 28.12.2000 nr. 445, y porchël ne mëss la firma nia gní autenticada. La domanda de amisciun mëss gní firmada en presënza de n/na dependënt/a inciarié/ada o, injuntan na fotocopia ince nia autenticada de n document d'identité varënt dl/a candidat/a.

Le/La candidat/a cun disabilité pó dé dant tla domanda, en relaziun al handicap che al/ara á, che al ti vëgnes conzedü tēmp surafora o le meso de sostëgn che al/ara arata nezesciar por dé jö les proes d'ejam (da desmostré cun documētaziun adeguada), sciöche ince damané de podëi sostituí les proes d'ejam scrites cun proes d'ejam orales por gauja de disturbs de aprenimēt spezifcs aladô dl D.P.R. nr. 487/1994.

I/les candidat/tes mëss implü, alplütert cun le termo de presentaziun dla domanda de amisciun, documenté o detlaré de avëi i certificac o la documētaziun che, sce ai/ares á passé le concurs, i dá le dërt de prezedënza o preferënza tla nominaziun, aladô dl decret dl Presidēt dla Republica di 28.12.2000, nr. 445.

Düc i documēnc y titui injuntá voluntariamēnter ala domanda pó gní dá jö sciöche copia che corespogn al original, tla forma originala o sciöche copia autenticada sōn chërta scēmpla, zēnza tigní cunt de ci che é preodü por les detlaraziuns sostituëntes.

Al resta tler che i/les candidat/tes mess avëi düc i recuisic scric dant te chēsta bandida y detlará tla domanda de amisciun, bele ala data de tomanza de presentaziun dla domanda de amisciun.

Les detlaraziuns falzes comporta l'esclujiun dal concurs y al gnará apliché les desposiziuns preodüdes dal Codesc penal y dales leges particulares che reverda chēsc argomēt.

I documēnc che é bele te Ciasa de Palsa Ojöp Frëinademetz A.P.S.P. o che la medema mëss dé fora, mëss ma gní dá dant tl detai tla domanda de amisciun al concurs adöm ales detlaraziuns damanades, sciöche preodü dal art. 10 dla Lege di 04 de jená dl 1968, nr. 15, y en combinaziun cun i coma 2 y 3 dl art. 18 dla Lege di 07 d'agost dl 1990, nr. 241.

5. ESCLUJUN DAL CONCURS PUBLICH

Dal concurs publich vëgnel stlüt fora i/les candidat/tes che:

- a) cun la data por la presentaziun dla domanda, preodüda da chēsta bandida de concurs, n' á nia un o deplü recuisic dá dant tl punt 3,
- b) ne dá nia jö la domanda anter le termo fissé
- c) n' á nia sotecrit indortöra la domanda
- d) ne mēt nia apost la domanda anter le termo dé dant dal'aministrazion,
- e) ne respetëia nia les disposiziuns sciöche da D.P.R. nr. 752/1976 art. 20 y mudaziuns.

La detlaraziun de portignēnza o agregaziun a un di trëi grups linguistics preodüda dal art. 18 dl decret dl Presidēt dla Republica di 26.07.1976, nr. 752 y mudaziun y integraziuns, pó ince gní dada jö do le termo por la presentaziun dla domanda de amisciun al concurs, sce la detlaraziun de portignēnza o agregaziun a un di trëi grups linguistics é varēnta dan la tomanza dl termo revardēt.

6. PROA D'EJAM Y MODALITÉS DE ESECUZIUN DLES PROES

Cun i/les candidat/tes ametüs/des ala prozedöra de mobilité vëgnel fat en **colloquium** sura les tematices suandēntes:

- mansciuns y competēnzes spezifiches en relaziun al post scrit fora, ince tla forma de n chestionar;
- organigram y descriziun dles mansciuns;
- dërc y dovëis dl dependēt publich;
- ordinamēnc generai dla Ciasa de Palsa Ö. Frëinademetz;

<ul style="list-style-type: none"> • desposiziuns generales sura le raport de laur pro ènc publics.
<p>Les dates dles proes d'ejam ti vëgn comunicades a vigni candidat/a ametü/da al concurs almanco 15 dis denant che ares mët man.</p>
<p>I/Les candidac/tes che ne se presentëia nia ales proes le de stabilí, vëgn stlúc/stlütës fora dala prozedöra. Chi/Chères che röia cun intardiamënt pó ciamó gní lasciá/lasciades ite ti locai olache al vëgn tigní le concurs cina al momënt dan la daurida dla busta cun le tema trat fora.</p>
<p>Tratan la proa scritta pól ma gní adoré dizionars, tesç de lege zënza anotaziuns o analogs sce la comisciun dá esplizitamënter le consëns.</p>
<p>La proa scritta y la proa orala mëss gní fates tl lingaz a chël che i/les aspiranc/tes á detlaré da ester de portignënza o de agregaziun (lingaz talian o todësch). Chësta regola ne vel nia por i/les aspiranc/tes che fej pert dl grup linguistich ladin, por chisc/chëstes resta inant la poscibilité da dé jö les proes d'ejam o tl lingaz talian o todësch (D.Lgs 15 de ma 2023, nr. 65).</p>
<p>L'aministrazion ne é nia obliada da ti dé ai/ales candidac/tes documentaziun por i ejams.</p>
<p>Ales proes mëss i/les candidac/tes se presenté cun n documënt de reconoscimënt varënt.</p>
<p>7. GRADATÖRA Y ASSUNZIUN</p>
<p>La comisciun mët jö, aladô dles valutaziuns singoles totales y tolon en conscideraziun les desposiziuns dades dant dal art.5 dl Test Unich aprové cun D.P.R. 487/1994 tl caje de parité de punc, la gradatöra finala di/dles concorënc/tes che á ciafé na votaziun nia mëndra de chëra minima metüda dant dala comisciun por arjunj l'idoneité tles proes.</p>
<p>Dedô aprovëia le Diretur la gradatöra y nominëia, aladô dl numer di posç scric fora indöt tl concurs, sciöche davagnadus/dësses i/les candidac/tes che resultëia tla medema gradatöra, tolon en conscideraziun les reserves stabilides/metüdes dant da chësta bandida.</p>
<p>La gradatöra á na varënza de dui agn dala data de aprovaziun.</p>
<p>Le/La davagnadú/dëssa mëss presenté anter 30 dis dala comunicaziun dl Diretur n certificat dl dotur de idoneité fisica al laur preodü, zënza toma la nominaziun. Anter le medemo termo mëss le/la davagnadú/dëssa detlaré sot a súa responsabilité de ne avëi degügn d'atri raporc de laur tl setur publich o privat y de ne ester te degöna dles situaziuns de incompatibilité preodüdes dal regolamënt dl personal varënt. Tl caje contrar mëss le/la davagnadú/dëssa dé jö na detlaraziun de dezijiun por l'aministrazion nöia.</p>
<p>7.1 AZERTAMËNT DI RECUISIC</p>
<p>Dan la stipulaziun dl contrat de laur individual por l'assunziun dl/dla davagnadú/dëssa dl concurs verificëia l'aministrazion la presënza di recusic detlará tla domanda de amisciun al concurs o damaná espressivamënter da desposiziuns de lege, da regolamënc o da contrac coletifs.</p>
<p>Sce le/la davagnadú/dëssa ne dá nia jö un o deplü documënc damaná zënza iustificaziun anter le termin, ti comunichëia l'aministrazion de ne podëi nia stlúj jö le contrat de laur individual. Pro n'assunziun en proa se röia le raport de laur atira.</p>
<p>Le medemo fejun sce pro le control di recusic scric dant vëgnel constaté l'assënza de un o deplü recusic.</p>
<p>Le Diretur dla Ciasa de Palsa, tól sö en proa i/les davagnadus/dësses ametüs/des te gradatöra aldô di posç scric fora tl concurs do avëi verifiché la presënza di recusic damaná por l'amisciun al sorvisc.</p>
<p>Le Diretur dla Ciasa de Palsa ti mëna al/a interessé/interessada tres lëtra racomanada cun garanzia de re-cioiüda l'invit da sotescri le contrat de laur individual anter n termo de alplü 30 dis dala data de re-cioiüda dl invit; le termo pó te vigni caje gní proroghé por le tëmp preodü da contrat por les demisciuns dal post de laur atual y al mascim por 3 mëisc.</p>
<p>Dan le scomenciamënt dl sorvisc mëss le/la candidat/a nominé/ada mostré sö de avëi i recusic damaná dala bandida, tut fora chi recusic che vëgn desmostrá d'ofize dal'aministrazion, zënza toma le dërt de nominaziun.</p>
<p>Le posses di recusic generai ne pó nia ester dé ma cun la data de tomanza dla bandida de concurs, mo ince al momënt dla sotescriziun dl contrat de laur.</p>

7.2 APLICAZIUN DLA GRADATÖRA
La progresciun tla gradatöra en caje de atres assunziuns vëgn fata esclusivamënter aladô dl ordin tla medema gradatöra y tl respet di posc rresservá por grups linguistics, conscidran i militars dles trëi Forzes armades anfat ai/les candidac/tes esterns.
La gradatöra por l'assegnaziun di posc scric fora vëgn ince tuta ca por l'assegnaziun de posc a tëmp parzial sce al n'è de lèdi tl profil profesional revardënt y tl limit dl contingënt a tëmp plëgn. La gradatöra pó ince gní adorada por assunziuns a tëmp determiné y por sostituziuns.
7.3 CONTRAT INDIVIDUAL DE LAUR Y PERIODA DE PROA
Le contrat individual dá dant le termo anter chël che al é da tó sò efetivamënter le sorvisc.
Le/La davagnadú/dëssa vëgn nominé/nominada en proa por la perioda de 6 mëisc. Tratan le tëmp de proa pó les perts se trá zoruch dal contrat zënza oblianza de preavis o indenité. Sce l'aministrazion se tira zoruch mëssera dé dant avisa la motivaziun. La nominaziun á effet de vigni vers dal de de scomenciamënt dl sorvisc da pert dl/a davagnadú/dëssa.
Le/La davagnadú/dëssa che ne sotescri nia le contrat de laur anter le termin dé dant o ne tól nia sò le sorvisc anter le termo preodü zënza na motivaziun iustificada vëgn detlaré/ada d'ofizie sciöche renunziatar/a y chësc determinëia la tomanza dl post de laur. Te vigni caje pó gní tut en conscideraziun domandes de prorogaziun dl/a interessé/interessada a gauja de forza plü alta desmostrada o de evënc straordinars che vëgn ejaminá cun discreziun dal Directeur che dá dant n termo definitiv, sce les esigënzes de sorvisc le pormët, y passé chësc tëmp, mët jö na detlaraziun de renunzia.
8. TRATAMËNT DI DAC PERSONAI
Aladô dl regolamënt UE 2016/679 di 27.04.2016 é la Ciasa de Palsa delibrada da damané ai/ales interessá/interessades le consëns por le tratamënt di dac, ince di dac sensibli dl/dla interessé/interessada.
9. NORMES FINALES
Prolungiamënt/prorogaziun o redaurida di termi: Por motifs de interes public se rresservëia l'aministrazion la faculté de prolungé le termo de tomanza de chësc concurs o ince de le revoché o de daurí danü i termi de tomanza do l'avëi stlüt, dagnora che les operaziuns por so espletamënt ne ais nia ciamó metü man.
Por döt ci che n'è nia preodü esplizitamënter te chësta bandida, vëgnel fat referimënt ales desposiziuns de lege y ai regolamënc varënc.
La domanda de amisciun é da ciáfë söla plata internet www.ciasadepalsa.it y pó gní stampada fora.
D'atri stlarimënc y informaziuns pó i/les interessá/interessades damané te secretariat dla Ciasa de Palsa Ojöp Frëinademetz (Str. Pinis 50, 39030 San Martin de Tor, tel. 0474 524700, e-mail: info@ciasadepalsa.it).

San Martin de Tor, ai 20.03.2025

LE DIRETUR
F.mé: Valentin Erlacher

sotescrit digitalmënter

